

INFORME TÉCNICO

1.- Obxecto

Redáctase o presente informe técnico en relación á valoración dos criterios de adxudicación establecidos no prego dependentes dun xuízo de valor para a contratación de asistencia técnica para levar a cabo o *“Servizo para a posta en marcha dos Orzamentos Participativos para o ano 2019”*, de acordo co prego de prescricións técnicas e coa documentación do expediente de referencia CON/10/2018.

2.- Apertura de ofertas

Con data 8 de maio de 2018 tivo lugar a reunión da mesa de contratación para a apertura de ofertas e de actos de negociación individualizadas. Trala análise formal da documentación presentada, a mesa de contratación acorda remitir para o seu informe técnico a única oferta finalmente presentada do seguinte licitador:

Nº DE ORDE	PRESENTACIÓN		NOME DA EMPRESA LICITADORA	
	DATA	REXISTRO	COMPLETO	ABREVIADO
1	03/05/2018	18.307	CIDADANÍA REDE DE APLICACIÓN S. COOP. GALEGA F15715683	CIDADANÍA

3.- Análise da única oferta presentada con base aos criterios de adxudicación fixados no Pregu como riterios cualitativos dependentes dun xuízo de valor

Toda vez que tan só se presentou unha única oferta ao proceso de licitación referenciado no encabezamento, a análise do presente informe técnico baséase no cumprimento dos requisitos fixados no Pregu establecidos como criterios de adxudicación cualitativos dependentes dun xuízo de valor, sen entrar a puntuar cada apartado establecido no prego de condicións.

Neste apartado, analizouse que a oferta dera cumprida resposta aos requirimentos do prego nos seguintes aspectos:

- 1. Plano de participación, comunicación e mediación social: a oferta de servizos analizada incorpora un plano de participación e mediación social e outro de comunicación nos cales desenvolven os aspectos establecidos no prego de prescricións técnicas.

No plano de participación e mediación social contempla as accións necesarias a realizar secuenciadas en dúas fases de traballo, que se corresponden a fase D1 coa preparación do proceso, deseño e diagnóstico, elaboración das propostas e presentación de apoios e a fase D2 coa decisión e seguimento das propostas. Esta división enténdese axeitada para o desenvolvemento do contrato.

Esta proposta tamén atende á promoción da transparencia e a igualdade no acceso á información.

A adxudicataria tamén propón desenvolver accións específicas dirixidas ao envolvimento no proceso de OP dos colectivos en risco de exclusión socioeconómica e daqueles segmentos da poboación historicamente menos implicados nestes procesos de participación cidadá. Ao mesmo tempo, prevé mecanismos que eviten a monopolización dos debates e as intervencións por parte das mesmas persoas e/ou colectivos.

No referente aos medios utilizados para o desenvolvemento deste contrato a empresa manifesta que conta con persoal técnico especializado no ámbito da participación cidadá, na aplicación de diferentes técnicas para a elaboración de diagnoses e no deseño e dinamización de espazos de participación enfocados ao deseño de instrumentos e medidas de actuación en diferentes campos sociais, así como que subcontratará con Numax, SCG o deseño gráfico e a comunicación social. O carácter xenérico destes termos na proposta presentada no sobre 1 indícanse sen detallar os medios apartados—agás no apartado de eventos de rúa—.


No Plano de comunicación a oferta de servizos analizada presenta as dimensións externas da comunicación dos OP, establecendo seus obxectivos, os criterios de segmentación do público obxectivo para aplicar os criterios de comunicación máis axeitados, os canles de comunicación a utilizar (comunicación offline e online) e a imaxe gráfica do proceso, a partir da existente, todo elo de acordo cos principios de igualdade, transparencia e accesibilidade á información.

As canles de comunicación e de información, así como as estratexias de difusión e publicidade adáptanse ao solicitado nos pregos e existe as políticas de comunicación terán como obxectivo, entre outros, garantir o uso non sexista e androcéntrico da linguaxe, imaxes e contidos utilizados.

- **2. Plataforma web:** a oferta de servizos analizada ofrece neste apartado a posta a disposición do desenvolvemento de OP dunha aplicación web para a participación cidadá denominada “Participare” que, segundo se establece na súa oferta, achegaría tódalas especificacións técnicas e funcionalidades requiridas no prego.

No tratamento de datos a empresa, como encargada do tratamento (segundo a definición que establece o artigo 3.g) da Ley Orgánica 15/1999, de 13 de decembro, de protección de datos de carácter persoal)¹ debe adoptar, naquelo que lle corresponda, as medidas necesarias para o cumprimento da normativa europea en protección de datos, incluíndo o Regulamento Xeral de protección de datos - que entrou en vigor o 5 de maio de 2016 e que comezará a aplicarse o día 25 de maio de 2018—.

¹ Encargado do tratamento: a persoa física ou xurídica, autoridade pública, servizo ou calquera outro organismo que, só ou conxuntamente con outros, trate datos persoais por conta do responsable do tratamento



CONCELLO DE
SANTIAGO

- 3. Calendario/cronograma: a oferta de servizos analizada incorpora un calendario/cronograma que, en esencia, cumpre coas especificacións establecidas no prego de prescripcións técnicas. Respecta os prazos establecidos como improrrogables nos apartados 4.3.d)², 4.3.e) e 4.3. f). Advírtense pequenos desfases -1 día do fito do punto 4.3.b) e 2 días no do punto 4.3.c)-. Porén, neste momento procedemental non son determinantes porque o calendario definitivo debe axustarse á realidade temporal da execución do contrato.

4.- Conclusión

Con base no antedito pódese concluír que a única oferta presentada cumpre –coas precisións efectuadas- cos requisitos establecidos como criterios de adjudicación dependentes dun xuízo de valor no Prego de prescripcións técnicas, se ben quen subscribe somete o presente informe técnico a avaliación da mesa de contratación para que proceda como mellor considere.

Santiago de Compostela, 9 de maio de 2018

A economista da Oficina de Orzamentos,

Marina Sandamil Andión



² Fe de erratas: no prego aparece como 15 de outubro pero este prazo debe interpretarse como o 1 de outubro.

INFORME TÉCNICO

1.- Obxecto

Redáctase o presente informe técnico en relación á valoración dos criterios de adxudicación establecidos no prego non dependentes dun xuízo de valor para a contratación de asistencia técnica para levar a cabo o **“Servizo para a posta en marcha dos Orzamentos Participativos para o ano 2019”**, así como do cumprimento do establecido no prego técnico, de acordo co prego de prescricións técnicas e coa documentación do expediente de referencia CON/10/2018.

2.- Apertura de ofertas

Con data 15 de maio de 2018 tivo lugar a reunión da mesa de contratación para a apertura do sobre 2 “Proposición relativa aos criterios avaliábles mediante fórmulas”. Trala análise formal da documentación presentada, a mesa de contratación acorda remitir para o seu informe técnico a única oferta finalmente presentada do seguinte licitador:

Nº DE ORDE	PRESENTACIÓN		NOME DA EMPRESA LICITADORA	
	DATA	REGISTRO	COMPLETO	ABREVIADO
1	03/05/2018	18.307	CIDADANÍA REDE DE APLICACIÓNS SOCIAIS S. COOP. GALEGA F15715683	CIDADANÍA

3.- Análise da única oferta presentada con base aos criterios de adxudicación fixados no Pregο como criterios avaliábles mediante fórmulas

Toda vez que tan só se presentou unha única oferta ao proceso de licitación referenciado no encabezamento, a análise do presente informe técnico baséase no cumprimento dos requisitos fixados no Pregο establecidos como criterios de adxudicación avaliábles mediante fórmulas, sen entrar a puntuar cada apartado establecido no prego de condicións.

Neste apartado, analizouse que a oferta dera cumprida resposta aos requirimentos do prego nos seguintes aspectos:

1. Criterios cualitativos: a) Equipo técnico asociado ao proxecto

Analizouse que a oferta dera cumprida resposta aos requirimentos do prego e pódese concluír que cumpre cos requisitos mínimos de perfiles profesionais, dedicación e experiencia. Enténdese que o equipo presentado ten capacidade para desenvolver as tarefas que a realización deste contrato supón e que responde aos medios materiais precisos para a execución.

2. Criterios económicos

A oferta económica finalmente proposta por CIADANÍA é de 66.000,00 € máis IVE, é dicir, 79.860,00 € (IVE incluído), polo que ten encaixe no orzamento base de licitación establecido no cadro de características técnicas-69.471,35€-.



4.- Análise da única oferta presentada con base no cumprimento do servizo a contratar definido no prego técnico

A oferta presentada cumpre –coas precisións efectuada en informe de data 8 de maio de 2018 - cos requisitos establecidos no Prego de prescricións técnicas.

Reitérase neste apartado que o desaxuste referente ao cronograma de execución non supón unha limitación para a aceptación da oferta, máxime cando o calendario final se debe adaptar á realidade temporal da execución.

5.- Conclusión

Con base no antedito neste informe e no elaborado en data 8 de maio de 2018 pódese concluír que a única oferta presentada cumpre cos requisitos establecidos como criterios de adjudicación establecidos no Prego de prescricións técnicas, así como que a oferta presentada cumpre os requisitos fixados no prego obxecto deste contrato, se ben quen subscribe somete o presente informe técnico a avaliación da mesa de contratación para que proceda como mellor considere.

Santiago de Compostela, 15 de maio de 2018

A economista da Oficina de Orzamentos,

Marina Sandamil Andión

Firmado digitalmente por SANDAMIL
ANDION, MARINA (FIRMA)
Nombre de reconocimiento (DN):
c=ES, serialNumber=765775265,
sn=SANDAMIL, givenName=MARINA,
cn=SANDAMIL ANDION, MARINA
(FIRMA)